



ТӨРИЙН МЭДЭЭЛЭЛ

№ 39 (372)

МОНГОЛ УЛСЫН ЕРӨНХИЙЛӨГЧИЙН ЗАРЛИГ:

- *Зарим хүмүүст хөдөлмөрийн баатар,
гавьяат цол хүртээх тухай*

МОНГОЛ УЛСЫН ЗАСГИЙН ГАЗРЫН ТОГТООЛ:

- *Хууль хэрэгжүүлэх зарим арга
хэмжээний тухай*
- *Тогтооолд нэмэлт оруулах тухай*
- *Хөтөлбөр батлах тухай*

Улсын Их Хурлын Тамгын газар

Улаанбаатар хот

2004 он



ТӨРИЙН МЭДЭЭЛЭЛ

МОНГОЛ УЛСЫН ИХ ХУРЛЫН АЛБАН МЭДЭЭЛЭЛ
Долоо хоног тутмын

Улаанбаатар хот

2004 оны аравдугаар сарын 18

№39 (372)

Гарчиг

Нэг. МОНГОЛ УЛСЫН ЕРӨНХИЙЛӨГЧИЙН ЗАРЛИГ

382.	Раднаабазарын Рашт Монгол Улсын хөдөлмөрийн баатар цол хүртээх тухай	Дугаар 141	720
383.	Цагааны Сүрэнхорлоод Монгол Улсын хөдөө аж ахуйн гавьяат механикуулагч цол хүртээх тухай	Дугаар 142	720
384.	Тамирын Батбаярт Монгол Улсын гавьяат нисгэгч цол хүртээх тухай	Дугаар 143	720
385.	Янгалагийн Шууравт Монгол Улсын гавьяат багш цол хүртээх тухай	Дугаар 144	721
386.	Гэндэнгийн Дэжээхүүд Монгол Улсын хүний гавьяат эмч цол хүртээх тухай	Дугаар 145	721
387.	Сумъяагийн Сугирт Монгол Улсын урлагийн гавьяат зүтгэлтэн цол хүртээх тухай	Дугаар 146	721

Хоёр. МОНГОЛ УЛСЫН ЗАСГИЙН ГАЗРЫН ТОГТООЛ

388.	Хууль хэрэгжүүлэх зарим арга хэмжээний тухай	Дугаар 163	722
389.	Тогтоолд нэмэлт оруулах тухай	Дугаар 165	724
390.	Ахмад дайчдад нэг удаагийн буцалтгүй тусламж олгох тухай	Дугаар 166	725
391.	Хөнгөлөлт үзүүлэх тухай	Дугаар 167	725
392.	Хэлэлцээр батлах тухай	Дугаар 168	725
393.	Хөтөлбөр батлах тухай	Дугаар 169	726
394.	Хэлэлцээр батлах тухай	Дугаар 177	734
395.	Хэлэлцээр батлах тухай	Дугаар 179	734



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 141

Улаанбаатар хот

Раднаабазарын Рашт Монгол Улсын хөдөлмөрийн баатар цол хүртээх тухай

Монголын төмөр замд олон жил санаачилга, үр бүтээлтэй ажиллан байгууллага, хамт олныг оновчтой удирдан зохион байгуулж, үйлдвэрлэлд шинэ техник, технологи нэвтрүүлэн хүчин чадал, үр ашгийг нэмэгдүүлж, ачаа болон зорчигч тээврийн тасралтгүй ажиллагаа, хөдөлгөөний аюулгүй байдлыг ханган төмөр замын тээврийг хөгжүүлэхэд оруулж байгаа гарамгай хувь нэмрийг нь үнэлж

Раднаабазарын Рашт Монгол Улсын хөдөлмөрийн баатар цол хүртээж, Сүхбаатарын одон, "Алтан соёмбо" тэмдгээр шагнасугай.

МОНГОЛ УЛСЫН
ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 142

Улаанбаатар хот

Цагааны Сүрэнхорлоод Монгол Улсын хөдөө аж ахуйн гавьяат механикжуулагч цол хүртээх тухай

Газар тариалангийн үйлдвэрлэлд он удаан жил үр бүтээлтэй ажиллаж, үр тарианы үйлдвэрлэлийг тогтвортой, үр ашигтай эрхлэн, орон нутагт ажлын байр нэмэгдүүлэх, ажиллагсдын нийгмийн баталгааг хангах үйлст оруулж байгаа хувь нэмрийг нь үнэлж Төв аймгийн Баянцогт сумын "Гуна" ХХК-ийн захирал Цагааны Сүрэнхорлоод

Монгол Улсын хөдөө аж ахуйн гавьяат механикжуулагч цол хүртээсүгэй.

МОНГОЛ УЛСЫН
ЕРӨНХИЙЛӨГЧ

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 143

Улаанбаатар хот

Тамирын Батбаярт Монгол Улсын гавьяат нисгэгч цол хүртээх тухай

Иргэний агаарын тээврийн салбарт санаачилга, үр бүтээлтэй ажиллаж орчин үеийн нисэх онгоц жолоодох арга барилыг чадамгай эзэмшин, нислэгийн аюулгүй байдлыг хангах, нисгэгчдийг сургаж дадлагажуулахад оруулж байгаа хувь нэмрийг нь үнэлж "МИАТ" ХК-ийн А-310 онгоцны

дарга, багш нисгэгч Тамирын Батбаярт Монгол Улсын гавьяат нисгэгч цол хүртээсүгэй.

МОНГОЛ УЛСЫН
ЕРӨНХИЙЛӨГЧ

Н.БАГАБАНДИ



МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 144

Улаанбаатар хот

Янгалагийн Шууравт Монгол Улсын гавьяат багш цол хүртээх тухай

Боловсролын байгууллагад олон жил санаачилга, үр бүтээлтэй ажиллаж удирдлагын онол арга зүйн дорвитой бүтээлүүд туурвиж, өндөр боловсролтой мэргэжилтэн бэлтгэх, удирдах ажилтны мэргэжлийг дээшлүүлэх үйлст оруулж байгаа хувь нэмрийг нь үнэлж Удирдлагын академийн Бизнесийн удирдлагын сургуулийн

захирал Янгалагийн Шууравт Монгол Улсын гавьяат багш цол хүртээсүгэй.

**МОНГОЛ УЛСЫН
ЕРӨНХИЙЛӨГЧ**

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 145

Улаанбаатар хот

Гэндэнгийн Дэжээхүүд Монгол Улсын хүний гавьяат эмч цол хүртээх тухай

Эрүүл мэндийн салбарт санаачилга, үр бүтээлтэй ажиллаж эрдэм судлалын олон бүтээл туурвиж, практикт нэвтрүүлэх, зүрх судасны өвчнийг анагаах, эмч нарын мэргэжил дээшлүүлэх, хувийн хэвшлийг хөгжүүлэх үйлст оруулж байгаа хувь нэмрийг нь үнэлж нийслэлийн эмнэлэг үйлчилгээний "Хүмүүн мед" ХХК-ийн ерөнхий

захирал Гэндэнгийн Дэжээхүүд Монгол Улсын хүний гавьяат эмч цол хүртээсүгэй.

**МОНГОЛ УЛСЫН
ЕРӨНХИЙЛӨГЧ**

Н.БАГАБАНДИ

МОНГОЛ УЛСЫН ЕРӨНХИЙЛӨГЧИЙН ЗАРЛИГ

2004 оны 10 дугаар сарын 07-ны өдөр

Дугаар 146

Улаанбаатар хот

Сумъяагийн Сугирт Монгол Улсын урлагийн гавьяат зүтгэлтэн цол хүртээх тухай

Соёл урлаг, боловсролын байгууллагад он удаан жил үр бүтээлтэй ажиллаж үндэсний болон дэлхийн сонгодог олон бүтээлийг чадварлаг найруулж, монголын тайзны урлагийг хөгжүүлэх, театрын урлагийн дээд боловсролтой мэргэжилтэн бэлтгэхэд оруулж байгаа хувь нэмрийг нь үнэлж Соёл урлагийн их сургуулийн жүжиглэх урлагийн

тэнхмийн эрхлэгч Сумъяагийн Сугирт Монгол Улсын урлагийн гавьяат зүтгэлтэн цол хүртээсүгэй.

**МОНГОЛ УЛСЫН
ЕРӨНХИЙЛӨГЧ**

Н.БАГАБАНДИ



МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 7 дугаар сарын 29-ний өдөр

Дугаар 163

Улаанбаатар хот

Хууль хэрэгжүүлэх зарим арга хэмжээний тухай

Нийтээр тэмдэглэх баярын болон тэмдэглэлт өдрүүдийн тухай хуулийн 5.2, 7.1-ийг үндэслэн Монгол Улсын Засгийн газраас ТОГТООХ нь:

1. Тэмдэглэлт өдрүүдийн жагсаалтыг 1 дүгээр, "Тэмдэглэлт өдрийг тэмдэглэх журам"-ыг 2 дугаар хавсралт ёсоор тус тус баталсугай.

2. Энэ тогтоол гарсантай холбогдуулан "Иод дутлын эмгэгтэй тэмцэх талаар авах зарим арга хэмжээний тухай" Засгийн газрын 1996 оны 1 дүгээр сарын 13-ны өдрийн 6 дугаар тогтоолыг хүчингүй болсонд тооцсугай.

3. Баярын болон тэмдэглэлт өдрүүдийг тэмдэглэх талаар салбарын хэмжээнд гарсан шийдвэрүүдийг хууль болон энэхүү тогтоолтой нийцүүлэх арга хэмжээ авахыг Засгийн газрын гишүүдэд даалгасугай.

МОНГОЛ УЛСЫН
ЕРӨНХИЙ САЙД

Н.ЭНХБАЯР

БОЛОВСРОЛ, СОЁЛ, ШИНЖЛЭХ
УХААНЫ САЙД

А.ЦАНЖИД

Засгийн газрын 2004 оны 163 дугаар тогтоолын 1 дүгээр хавсралт

ТЭМДЭГЛЭЛТ ӨДРҮҮД

1. Багш нарын өдөр-жил бүрийн 2 дугаар сарын эхний Ням гараг;

2. Хөдөлмөр, нийгмийн хангамжийн ажилтны өдөр-2 дугаар сарын хоёр дахь Ням гараг;

3. Хэвлэл, мэдээллийн ажилтны өдөр- 3 дугаар сарын 6;

4. Хэрэглэгчдийн эрх ашгийг хамгаалах өдөр-3 дугаар сарын 15;

5. Наурызын баяр-3 дугаар сарын 22;

6. Усны өдөр-3 дугаар сарын 23;

7. Хөнгөн аж үйлдвэрийн өдөр-3 дугаар сарын 26;

8. Театрын өдөр-3 дугаар сарын 27;

9. Мод тарих өдөр-4 дүгээр сарын хоёр дахь Ням гараг;

10. Бүжгийн өдөр-4 дүгээр сарын 29;

11. Бурхан багшийн их дүйцэн өдөр-билгийн тооллын зуны эхэн сарын 15;

12. Үндэсний бичиг үсгийн баяр-5 дугаар сарын эхний Ням гараг;

13. Музейн өдөр-5 дугаар сарын 18;

14. Газрын тосны салбарын ажилтны өдөр-5 дугаар сарын 4 дэх Ням гараг;

15. Иргэний агаарын тээвэрчдийн өдөр-5 дугаар сарын 4 дэх Ням гараг;

16. Хуульчдын өдөр-6 дугаар сарын 4 дэх Ням гараг;

17. Хоршоологчдын өдөр-7 дугаар сарын эхний Ням гараг;

18. Цагдаагийн болон Дотоодын цэрэг, Тагнуулын байгууллагын өдөр-7 дугаар сарын 19;

19. Авто тээвэрчдийн өдөр-7 дугаар сарын 3 дахь Ням гараг;

20. Холбоочдын өдөр-7 дугаар сарын 4 дэх Ням гараг;

21. Төмөр замчдын өдөр-8 дугаар сарын эхний Ням гараг;

22. Эрүүл мэндийн салбарын ажилтны өдөр-8 дугаар сарын хоёр дахь Ням гараг;

23. Эрчим хүчний ажилтны өдөр-8 дугаар сарын 3 дахь Ням гараг;



24. Соёл, урлагийн ажилтны өдөр-9 дүгээр сарын 2 дахь Ням гараг;

25. Аялал, жуулчлалын өдөр-9 дүгээр сарын 27;

26. Үндэсний татварын ажилтны өдөр-9 дүгээр сарын 2 дахь Ням гараг;

27. Байгаль хамгаалах өдөр-5 дугаар сарын 2 дахь Ням гараг;

28. Тамирчдын өдөр-6 дугаар сарын 4 дэх Ням гараг;

29. Мэдлэгийн өдөр-9 дүгээр сарын 1;

30. Барилгачдын өдөр-9 дүгээр сарын эхний Ням гараг;

31. Хилчдийн өдөр-9 дүгээр сарын 17;

32. Хөгжмийн өдөр-10 дугаар сарын 1;

33. Оюутны өдөр-10 дугаар сарын 5;

34. Нийтийн аж ахуй, ахуйн үйлчилгээний ажилтны өдөр-10 дугаар сарын 2 дахь Ням гараг;

35. Гаалийн ажилтны өдөр-10 дугаар сарын 20;

36. Геологичдын өдөр-10 дугаар сарын 3 дахь Ням гараг;

37. Авто замчдын өдөр-10 дугаар сарын 4 дэх Ням гараг;

38. Хөдөө аж ахуйн ажилтны өдөр-11 дүгээр сарын 2 дахь Ням гараг;

39. Шинжлэх ухааны ажилтны өдөр-11 дүгээр сарын 4 дэх Ням гараг;

40. Архивчдын өдөр-12 дугаар сарын 5;

41. Санхүү, эдийн засагчдын өдөр-12 дугаар сарын 2 дахь Ням гараг;

42. Хүнсний аж үйлдвэрийн ажилтны өдөр-12 дугаар сарын 2 дахь Ням гараг;

43. Уурхайчдын өдөр-12 дугаар сарын 25;

44. Худалдааны ажилчдын өдөр-12 дугаар сарын 3 дахь Ням гараг;

45. Киноны өдөр-12 дугаар сарын 28;

46. Дипломат албаны өдөр-12 дугаар сарын 29.

Засгийн газрын 2004 оны 163 дугаар тогтоолын 2 дугаар хэсэрлэлт

ТЭМДЭГЛЭЛТ ӨДРИЙГ ТЭМДЭГЛЭХ ЖУРАМ

Нийтээр тэмдэглэх баярын болон тэмдэглэлт өдрүүдээс бусад салбарын болон зарим ажил мэргэжлийн ажилтан, ажилчдын өдөр, олон улсын зарим байгууллагаас дэлхий нийтээр тэмдэглэхээр тогтсон өдрүүд (цаашид "тэмдэглэлт өдрүүд" гэх)-ийг тэмдэглэн өнгөрүүлэхэд энэ журмыг баримтална.

1. Тэмдэглэлт өдрүүдийг тэмдэглэх нь тухайн салбарын ажилтан, ажилчдын ажил үйлсийг сурталчлах, хөдөлмөр, бүтээлийг тодруулан үнэлэх, олон нийтэд мэдээлэх, гадаад харилцаа, хамтын ажиллагааг өргөжүүлэх зорилго агуулна.

2. Тэмдэглэлт өдрийг тэмдэглэх асуудлыг тухайн байгууллага үйл ажиллагааны төлөвлөгөө, тухайн жилийн төсөвтөө тусган хэрэгжүүлж, зардлын гүйцэтгэлд хяналт тавина.

3. Тэмдэглэлт өдрийг тэмдэглэх үеэр баярын хурал, цуглаан хийх, тэргүүний хүмүүсийн

хөдөлмөрийн алдрыг тэмдэглэх, шагнаж урамшуулах, туршлага солилцох, уулзалт, үдэшлэг, өдөрлөг, оюун ухаан сорих болон биеийн тамирын уралдаан тэмцээн, ажил, мэргэжлийн уралдаан зарлаж дүгнэх, хэвлэл мэдээллийн хэрэгслээр сурталчлах зэрэг ажил зохион байгуулна.

4. Тэмдэглэлт өдрийг тухайн жилд бүтээлч ажлын хөдөлгөөн өрнүүлэн тодорхой сэдэв, уриан дор зохион байгуулж болно.

5. Тэмдэглэлт өдрийг тогтоосон журмын дагуу түүхэн үйл явдал тэмдэглэх, төр, нийгмийн зүтгэлтэн, гавьяат үйлстнийг алдаршуулах, дурсгалыг нь хүндэтгэх ажилтай хамтатган зохион байгуулж болно.

6. Тэмдэглэлт өдрийг тогтоосон хугацаанд тэмдэглэж, үр дүнгийн талаар хамт олонд мэдээлнэ.

2004 оны 8 дугаар сарын 5-ны өдөр

Дугаар 165

Улаанбаатар хот

Тогтоолд нэмэлт оруулах тухай

Байгалийн ургамлын тухай хуулийн 3 дугаар зүйлийн 4 дэх хэсэгт заасныг үндэслэн Монгол Улсын Засгийн газраас ТОГТООХ нь:

тогтоолоор баталсан "Ховор ургамлын жагсаалт"-д дор дурдсан агуулга бүхий 318-355 дахь заалт нэмсүгэй:

1. "Жагсаалт батлах тухай" Засгийн газрын 1995 оны 8 дугаар сарын 25-ны өдрийн 153 дугаар

- 318. Азийн төлөгч өвс
- 319. Хар хорс
- 320. Элсний цулхир
- 321. Шулуун сонгино /гогод/
- 322. Анхил сонгино /гогод/
- 323. Шулуун хөл /сарвуун/
- 324. Халиар сонгино
- 325. Цагаан шаваг
- 326. Хар шаваг /сайхан шаваг/
- 327. Монгол хунчир
- 328. Пагдгар бадаан
- 329. Илдэн игүүшин
- 330. Жижиг жимст сархи
- 331. Феддийн аргамжин цэцэг
- 332. Цагаан яргай
- 333. Час улаан долоогоно
- 334. Нангиад эзэргэнэ
- 335. Сахлай дигд
- 336. Урал чихэр өвс
- 337. Өргөст тошлой
- 338. Сэрхэн хөхөө цэцэг
- 339. Зайдуу өдлөг нүцэгнур
- 340. Хадны нүцэгнур
- 341. Сиймхий цэгцүүхэй
- 342. Шар цахилдаг
- 343. Потаниний цахилдаг
- 344. Алтайн далан хальс
- 345. Өрөл
- 346. Урт навчит балгана
- 347. Өргөст ортууз
- 348. Үнэгэн сүүлхэй тарна
- 349. Хурган мэхээр
- 350. Дэрэвгэр жиргэрүү
- 351. Байгаль гүүн хөх
- 352. Үлдэн могойн идээ
- 353. Сибирь ерөндгөнө
- 354. Эгэл бавран
- 355. Нарсны төрлийн модны үр*

- Achillea asiatica*
- Aconitum turczaninowii*
- Agriophyllum pungens*
- Allium linaria*
- Allium odorum*
- Allium anisopodium*
- Allium victorialis*
- Artemisia rutifolia*
- Artemisia santolinifolia*
- Astragalus mongolicus*
- Bergenia crassifolia*
- Cacalia hastate*
- Camelina microcarpa*
- Cistanche feddina*
- Cornus alba*
- Crataegus sanguinea*
- Ephedra sinica*
- Gentiana barbata*
- Glycyrrhiza uralensis*
- Grossularia acicularis*
- Gymnadenia conopsea*
- Gymnocarpium remotepinnatum*
- Gymnocarpium robertianum*
- Hypericum perforatum*
- Iris flavissima*
- Iris potanini*
- Lonicera altaica*
- Malus baccata*
- Murycaria longifolia*
- Oxytropis aciphylla*
- Polygonum alopecuroides*
- Polygonum viviparum*
- Saposhnikovia divaricata*
- Scutellaria baicalensis*
- Sedum aizoon*
- Vincetoxicum sibiricum*
- Pteridium aquilium*

2. Эрх бүхий мэргэжлийн байгууллагын тарималжуулан ургуулж, анхан шатны болон үйлдвэрлэлийн аргаар боловсруулалт хийсэн ургамлыг гадаад улсад гаргах үйл ажиллагааг дэмжиж ажиллахыг Байгаль орчны сайд У.Барсболд, Улсын мэргэжлийн хяналтын газрын дарга Д.Бэтбэатэр, Улсын геалийн ерөнхий газрын

дарга Х.Баатар нарт даалгасугай.

**МОНГОЛ УЛСЫН
ЕРӨНХИЙ САЙД**

Н.ЭНХБАЯР

**БАЙГАЛЬ ОРЧНЫ
САЙД**

У.БАРСБОЛД

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 166

Улаанбаатар хот

Ахмад дайчдад нэг удаагийн буцалтгүй тусламж олгох тухай

Монгол Улсын Засгийн газраас ТОГТООХ нь:

1. 1939 оны Халхын голын байлдааны ялалтын 65 жилийн ойг тохиолдуулан уг дайнд оролцсон амьд сэрүүн байгаа ахмад дайчинд 200.000 (хоёр зуун мянган) төгрөгийн нэг удаагийн буцалтгүй тусламж олгохыг Санхүү, эдийн засгийн сайд Ч.Улаан, Нийгмийн хамгаалал, хөдөлмөрийн сайд Ш.Батбаяр, Батлан хамгаалахын сайд Ж.Гүррагчаа нарт даалгасугай.

2. Энэхүү тогтоолыг 2004 оны 8 дугаар сарын 1-ний өдрөөс эхлэн дагаж мөрдсүгэй.

**МОНГОЛ УЛСЫН
ЕРӨНХИЙ САЙД** **Н.ЭНХБАЯР**

**БАТЛАН ХАМГААЛАХЫН
САЙД** **Ж.ГҮРРАГЧАА**

**НИЙГМИЙН ХАМГААЛАЛ,
ХӨДӨЛМӨРИЙН САЙД** **Ш.БАТБАЯР**

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 167

Улаанбаатар хот

Хөнгөлөлт үзүүлэх тухай

Монгол Улсын Засгийн газраас ТОГТООХ нь:

1. Ерөнхий боловсролын сургуулийн 10 дугаар ангид суралцагчдаас төгсөх жилдээ "Монгол сайхан бичигтэн" уралдаанд амжилттай оролцож эхний дөрвөн байранд шалгарсан сурагчдыг тухайн мэргэжлээр нь их, дээд сургуульд суралцах эрхийн бичгээр элсүүлж, суралцах хугацааны сургалтын төлбөрийг төрөөс хариуцаж байхаар тогтоосугай.

2. Дээр дурдсан сургалтын төлбөрийг сургалтын төрийн сангаас санхүүжүүлж байхыг Боловсрол, соёл, шинжлэх ухааны сайд А.Цанжидад үүрэг болгосугай.

**МОНГОЛ УЛСЫН
ЕРӨНХИЙ САЙД** **Н.ЭНХБАЯР**

**БОЛОВСРОЛ, СОЁЛ, ШИНЖЛЭХ
УХААНЫ САЙД** **А.ЦАНЖИД**

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 168

Улаанбаатар хот

Хэлэлцээр батлах тухай

Олон улсын гэрээний тухай хуулийн 14 дүгээр зүйлийн 3 дахь хэсэгт заасныг үндэслэн Монгол Улсын Засгийн газраас ТОГТООХ нь:

хоорондын хэлэлцээр"-ийг баталсугай.

**МОНГОЛ УЛСЫН
ЕРӨНХИЙ САЙД** **Н.ЭНХБАЯР**

2004 оны 7 дугаар сарын 3-ны өдөр гарын үсэг зурсан "Визээс харилцан чөлөөлөх тухай Монгол Улсын Засгийн газар, БНХАУ-ын Махаогийн Засаг захиргааны онцгой бүсийн Засгийн газар

**ХУУЛЬ ЗҮЙ, ДОТООД ХЭРГИЙН
САЙД БӨГӨӨД ГАДААД ХЭРГИЙН
САЙДЫН ҮҮРЭГ
ГҮЙЦЭТГЭГЧ** **Ц.НЯМДОРЖ**



МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 169

Улаанбаатар хот

Хөтөлбөр батлах тухай

Ажилгүйдэл, ядуурлыг бууруулах, өрхийн орлогыг нэмэгдүүлэхэд 1997 онд баталсан "Ногоон хувьсгал" хөтөлбөрийн үзүүлж байгаа нааштай нөлөө, орон нутгийн удирдлага, иргэдийн хүсэлтийг харгалзан Монгол Улсын Засгийн газраас ТОГТООХ нь:

1. Өрхийн орлогыг нэмэгдүүлэх "Ногоон хувьсгал" үндэсний хөтөлбөр (II үе шат 2005-2012)-ийг хавсралт ёсоор баталсугай.

2. Дээрх хөтөлбөрийг өөрийн нутаг дэвсгэрт хэрэгжүүлэх ажлын төлөвлөгөөг жил бүр боловсруулан зохион байгуулж ажиллахыг аймаг, нийслэл, сум, дүүргийн Засаг дарга нарт даалгасугай.

3. Хөтөлбөрийг хэрэгжүүлэхэд дэмжлэг үзүүлэх зорилгоор улс, орон нутгийн төсөвт шаардагдах хөрөнгийг тусгах болон гадаадын зээл, тусламжид хамруулан санхүүжүүлж түүний зарцуулалтад хяналт тавьж ажиллахыг Санхүү,

эдийн засгийн сайд Ч.Улаан, Хүнс, хөдөө аж ахуйн сайд Д.Насанжаргал нарт даалгасугай.

4. Хөтөлбөрийн хэрэгжилтийн явц, үр дүнд жил бүрийн 12 дугаар сард Засгийн газарт танилцуулж байхыг Хүнс, хөдөө аж ахуйн сайд Д.Насанжаргалд даалгасугай.

5. Энэ тогтоол гарсантай холбогдуулан "Ногоон хувьсгал" үндэсний хөтөлбөрийг хэрэгжүүлэх талаар авах зарим арга хэмжээний тухай Засгийн газрын 1997 оны 9 дүгээр сарын 24-ний өдрийн 199 дүгээр тогтоолыг хүчингүй болсонд тооцсугай.

МОНГОЛ УЛСЫН
ЕРӨНХИЙ САЙД

Н.ЭНХБАЯР

ХҮНС, ХӨДӨӨ АЖ
АХУЙН САЙД

Д.НАСАНЖАРГАЛ

Засгийн газрын 2004 оны 169 дүгээр тогтоолын хавсралт

ӨРХИЙН ОРЛОГЫГ НЭМЭГДҮҮЛЭХ "НОГООН ХУВЬСГАЛ" ҮНДЭСНИЙ ХӨТӨЛБӨР (II үе шат 2005-2012 он)

1. "Ногоон хувьсгал" үндэсний хөтөлбөрийн 1998-2004 оны үр дүнд, өнөөгийн байдал

1.1. 1997 онд батлагдсан "Ногоон хувьсгал" үндэсний хөтөлбөр (I үе шат) амжилттай хэрэгжин дуусч байна. Хөтөлбөрийн хүрээнд 1998-2004 онд улсын төсөв, гадаад орнуудын буцалтгүй тусламжийн хөрөнгөөс нийт 1.77 тэрбум төгрөг зарцуулан бага оврын 225 трактор иж бүрдлийн хамт, 210 га талбай услах бороожуулагч төхөөрөмж, 1.3 га талбай бүхий 255 хүлэмж, 17600 м² нийлэг хальсан бүрхүүл, 660 га талбайг хамгаалах торон хашаа, хүнсний ногоо тарих, арчлах иж бүрдэл 300 гаруй багаж зэрэг техник, тоног хэрэгслийг 2000 гаруй өрх, агропаркад хөрөнгө оруулалтаар болон хөнгөлөлттэй үнээр хуваарилан олгож үйл ажиллагааг нь өргөжүүлэхэд дэмжлэг үзүүлжээ.

Мөн жимсний 15000 суулгац, 500 тн төмсний үр, байцаа, манжин, лууван, сонгино, хүрэн манжин, өргөст хэмх, улаан лооль зэрэг 8 тонн үрийг үнэгүй буюу гэрээгээр олгож, тусламжаар ирсэн 20 гаруй тонн 100 гаруй төрлийн цэцгийн болон хүнсний ногооны үрийг үнэгүй олгосноор таримлын нэр төрөл нэмэгдэж, тариалах талбай, хураан авах ургацын хэмжээ жил бүр өсч байна. 2003 онд улсын хэмжээгээр 14.3 мянган га талбайгаас 138.2 мянган тонн төмс, хүнсний ногоо хураан авсан нь хөтөлбөр анх батлагдсан 1997 оноос 50.1 мянган тонноор буюу 56.6 хувиар нэмэгдэж, ногооны үйлдвэрлэл эрхэлж байгаа өрхийн тоо 1997 оноос 2.5 дахин өссөн байна.

1.2. Хөтөлбөр хэрэгжүүлсний үр дүнд 2003 оны байдлаар 154 агропарк орон нутагт

байгуулагдан ажиллаж 2700 удаагийн сургалт явуулж, гарын авлага, зөвлөмж 24086 ширхгийг иргэдэд түгээж, хэвлэл мэдээллийн хэрэгслээр сурталчилгаа тогтмол явуулж хэвшлээ.

1.3. Хүнс, хөдөө аж ахуйн салбарт хэрэгжүүлж байгаа гадаад, дотоодын төсөл, хөтөлбөрүүд "Ногоон хувьсгал" хөтөлбөрийг хэрэгжүүлэхэд санхүүгийн болон арга зүйн дэмжлэг туслалцаа үзүүлэх нь өргөжиж байна.

2. "Ногоон хувьсгал" Үндэсний хөтөлбөрийн II үе шатыг хэрэгжүүлэх үндэслэл

2.1. Монгол Улсын иргэнд газар өмчлүүлэх тухай болон Тариалангийн тухай хууль, Газрын тухай хуулийн шинэчилсэн найруулга, Төрөөс хүнс, хөдөө аж ахуйн талаар баримтлах бодлогыг батлан гаргаснаар иргэд газар өмчлөх, эзэмших, тариалан эрхлэх эрх зүйн шинэ орчин буй болсон нь хөдөөд ядуурлыг бууруулах, өрхийн орлогыг нэмэгдүүлэх хамгийн тааламжтай нөхцөлийг бүрдүүлсэн юм.

2.2. Сүүлийн жилүүдэд төмс, хүнсний ногоо тариалах, "Ногоон хувьсгал" хөтөлбөрт хамрагдах сонирхолтой айл өрхийн тоо улам бүр нэмэгдэж, хөтөлбөрийг цаашид үргэлжлүүлэх талаар орон нутгийн удирдлага хүсэлт гаргаж байна.

2.3. "Ногоон хувьсгал" хөтөлбөрийг амжилттай хэрэгжүүлсэн Энэтхэг, Өмнөд Солонгос зэрэг орнуудын туршлагаас үзвэл дотоодын хэрэгцээт хүнсийг нэмэгдүүлж, тариаланчид, хөдөөгийн хүмүүсийн амьжиргааны түвшинг зохих хэмжээнд хүртэл хэдэн арван жилээр үргэлжлүүлэн хэрэгжүүлж ирсэн, одоо ч хэрэгжүүлж байна.

2.4. "Ногоон хувьсгал" хөтөлбөр хэрэгжүүлсэн эхний үеийн ололт амжилт, туршлагаа бататгах, өрхийн усалгаатай тариаланг хөгжүүлэх, хамгаалагдсан хөрсний үйлдвэрлэлийг нэмэгдүүлэх, төмс, ногооны үрийн аж ахуйг бэхжүүлэх, бүтээгдэхүүний борлуулалтыг дэмжих үндсэн зорилгоор Өрхийн орлогыг нэмэгдүүлэх "Ногоон хувьсгал" хөтөлбөр /II үе шат/-ийг боловсруулав.

3. Хөтөлбөрийн зорилго

3.1. "Ногоон хувьсгал" хөтөлбөр /II үе шат/-ийн зорилго нь хөтөлбөрийн эхний үе шатанд олсон ололтоо бататгах, төмс, хүнсний ногоо, жимс, жимсгэнийн усалгаатай тариаланг хөгжүүлж, өрх, фермерийн аж ахуй болон жижиг хоршоод хамгаалагдсан хөрсний аж ахуйг эрхлэх замаар

өрхийн орлогыг нэмэгдүүлэх, ажилгүйдэл, ядуурлыг бууруулах, хүнсний хангамжийг сайжруулах явдал мөн.

3.2. Үүний тулд дараахь зорилтыг хэрэгжүүлнэ:

3.2.1. Төв, суурингийн айл өрх усалгаатай, хучлагатай талбай, хүлэмж, бүхээг /туннель/-эн байгууламж бий болгож төмс, хүнсний ногоо, жимс, жимсгэнэ тариалж эхний ээлжинд өөрийн хэрэгцээг хангах, цаашид зах зээлд борлуулан өрхийн орлогоо нэмэгдүүлэх;

3.2.2. Хүнсний ногоог хамгаалагдсан хөрсөнд тариалах замаар хүнсэнд шинэ ногоо хэрэглэх хугацааг уртасгах, таримлын нэр төрлийг олшруулж ургацыг нэмэгдүүлэх;

3.2.3. Эрт ургацын шинэ ногоог зах зээлд хүрэлцэх хэмжээгээр тасралтгүй нийлүүлэх нөхцөлийг бүрдүүлэх;

3.2.4. Хүнсний ногоо, жимс, жимсгэнэ тариалдаг өрх бүр боломжтой бүх нөхцөлийг ашиглан худаг, цас, борооны усыг хэмнэлттэй зарцуулах арга технологийг эзэмшин хэрэглэж занших;

3.2.5. Өөрийн орны нөхцөлд тохирсон загвар, хийцийн хүлэмж, бүхээг, тэдгээрийг хийх зориулалтын материал, цагаан болон хар өнгийн нийлэг хальс зэргийг гадаадаас оруулах, дотооддоо үйлдвэрлэх зэргээр түүний олдоц, хангамжийг хот, хөдөөд нэмэгдүүлэх.

4. Хөтөлбөрийн II үе шатны үйл ажиллагааны үндсэн чиглэл:

4.1. Энэхүү хөтөлбөрт зөвхөн төмс, хүнсний ногоо, жимс, жимсгэнийн таримлыг хамруулан хэрэгжүүлнэ.

4.2. Хөтөлбөрийн хүрээнд иргэн, 3 хүртэл га талбайд тариалан эрхэлдэг фермерийн аж ахуй болон хоршоог хамруулан дэмжлэг үзүүлнэ.

4.3. Хөтөлбөрт хамгаалагдсан хөрсний усалгаатай тариалан эрхэлж байгаа гэр бүл, хоршоо, фермерийг эхний ээлжинд хамруулан дэмжлэг үзүүлнэ.

4.4. Өмнө нь хөтөлбөрт хамрагдаж байгаагүй, төмс, хүнсний ногоо, жимс, жимсгэнэ

шинээр тариалж буй гэр бүл, иргэн, фермерийг эхний ээлжинд анхаарна.

5. Хөтөлбөрийн хүрээнд үзүүлэх санхүүгийн дэмжлэгийг доорхи үйл ажиллагаанд ашиглана:

5.1. Жижиг услалтын системийг сэргээн засварлах, байгуулахад дэмжлэг үзүүлэх.

5.2. Нийлэг хальсан бүрхүүл, хучлагын материалыг импортлох, дотооддоо үйлдвэрлэх.

5.3. Төрөл бүрийн хийц, хэмжээ бүхий нийлэг хальсан хучлагатай хүлэмж, бүхээг /туннель-ийг импортлох, дотооддоо үйлдвэрлэх.

5.4. Бага хүчин чадалтай бороожуулагч төхөөрөмжийг импортлох.

5.5. Бага хүчин чадалтай трактор, хөдөө аж ахуйн чиргүүл, дүүжин машиныг импортлох, дотооддоо үйлдвэрлэх, угсрах.

5.6. Ургамлын өвчин, хортонтой тэмцэх, таримлын есөлт, хөгжилтийг түргэтгэх, макро, микроэлементээр бордох зориулалтын бодисыг импортлох, дотооддоо үйлдвэрлэх, савлахад дэмжлэг үзүүлэх.

5.7. Жимс, жимсгэнийн суулгац, тарьц үржүүлэх, эх цэцэрлэг, цуглуулгын талбай байгуулах.

5.8. Төмс, хүнсний ногоо, жимс, жимсгэнийг гэрийн болон жижиг цехийн аргаар боловсруулах, хадгалах арга технологийг эзэмшихэд дэмжлэг үзүүлэх.

5.9. Иргэдийг төмс, хүнсний ногоо, жимс, жимсгэнэ тариалах, ургацаа хамгаалах, хадгалах, боловсруулах, хэрэглэхэд сургах.

6. Хөтөлбөрийг хэрэгжүүлэх үндсэн арга зам:

6.1. Өрхийн тариалан хөгжүүлэх гол нөхцөлийн нэг болох усан хангамжийг дараахь арга замаар нэмэгдүүлнэ:

6.1.1. Төмс, ногоо, жимс тариалдаг өрх, фермер, жижиг аж ахуйн нэгж гүний болон бетон хашлагатай, энгийн худаг, усан сан, услалтын системийн аль боломжтойг нь ашигладаг болгох;

6.1.2. Жимс, ногооны талбайд ойролцоо байршилтай цас их унадаг уулын ам, ус урсдаг жалга, гуу зэргийг боож цемент бетон болон нийлэг хальсан доторлогоотой усан сан, хөв байгуулах;

6.1.3. Төв суурин газрын гэр хороололд цэвэр усны шугам тавих, усан сан байгуулах;

6.1.4. Бололцоотой газарт гар болон гүний худаг гаргах, айл өрхүүд хөрөнгөө хамтарч хашаандаа усны хоолой оруулах, сүлжээ байгуулж ашиглах;

6.1.5. Жимс, ногооны талбай, ялангуяа хамгаалагдсан хөрсний тариаланд дуслын усалгаа, нэвчих усалгаа, мананжуулах болон бороожуулах усалгаа зэрэг ус хэмнэх сүүлийн үеийн дэвшилтэт арга технологийг нэвтрүүлэх;

6.1.6. Усалгаатай тариалан эрхэлдэг өрх бүр услалтын суваг шуудуугаа доторлох, талбайд нийлэг хальсан болон сүрлэн хучлага хэрэглэх, гадаргын усалгааны уян хоолой /хиймэл суваг/-г ашиглах, чийгийн хэмжээг хянаж зохицуулах зэргээр усны алдагдлыг багасгаж усыг хэмнэлттэй зарцуулж сургах;

6.1.7. Бага хүчин чадалтай бороожуулагч, мананжуулагч төхөөрөмжийн импорт, дотоодын үйлдвэрлэлийг урамшуулах;

6.1.8. Усалгаанд ашиглаж байгаа ус болон хөрсөнд химийн шинжилгээ хийлгэж мэргэжлийн байгууллагын дүгнэлт, зөвлөмжийг ашиглах;

6.1.9. Гол, горхи, булгийн ойролцоо тариалангийн талбайд тошин халиах; хаарын цэнэг усалгаа хийдэг уламжлалт аргыг сэргээн хэрэглэх;

6.1.10. Өвөл, хаврын улиралд жимс, ногооны талбайд хунгар цас тогтоох аргыг өргөн ашиглах;

6.1.11. Байшин барилгын дээврийн усыг хуримтлуулж усалгаанд ашиглах.

6.2. Хамгаалагдсан хөрсөнд төмс, хүнсний ногоо, жимс, жимсгэнэ тариалалтыг доорхи замаар нэмэгдүүлнэ:

6.2.1. Төмс, хүнсний ногооны талбайг хар өнгөтэй нийлэг хальсаар бүтээх замаар чийгийн ууршилтыг бууруулах, хог ургамлын ургалтыг хязгаарлах, дулааны хуримтлалыг нэмэгдүүлж хүйтнээс хамгаалах, ургац нэмэгдүүлэх арга технологийг эзэмших, дэлгэрүүлэх;

6.2.2. Төрөл бүрийн хийц, хэмжээ бүхий хүлэмж, бүхээг /пластмасс болон металл хийцийн/ -ийг дотооддоо үйлдвэрлэх, импортлох замаар олдцыг сайжруулах;

6.2.3. Дулааны эх үүсвэртэй газруудад жилийн 4 улирлын ажиллагаатай хүлэмжийн аж ахуйг хөгжүүлэхэд дэмжлэг үзүүлэх;

6.2.4. Амтат жүрж, том жимст гүзээлзгэнэ, алим, чавсыг хүлэмжид ургуулдаг арга туршлагыг дэлгэрүүлэх, үүсгэл санаачилгыг дэмжих;

6.2.5. Дотроо утсан бэхлэгээтэй, салхи, хүйтэнд тэсвэртэй, 5-10 жилийн эдлэгээтэй, бөх бат нийлэг хальсыг импортлох, дотооддоо үйлдвэрлэхэд дэмжлэг үзүүлэх, гүүний олдцыг нэмэгдүүлж элбэгшүүлэх.

6.3. Техник хангамжийг сайжруулна:

6.3.1. Өрхийн болон жижиг аж ахуйн хэрэгцээнд тохирсон бага хүчин чадлын трактор, хөдөө аж ахуйн чиргүүл, дүүжин машин, бороожуулагчийг импортлох, дотооддоо үйлдвэрлэх;

6.3.2. Өрхийн болон фермерийн тариаланд ашиглах жимс, ногооны гар багажийг импортлох, дотооддоо үйлдвэрлэх, засварлах үүсгэл санаачилгыг дэмжих.

6.4. Ургац болон ургамал хамгааллын арга хэмжээг сайжруулна:

6.4.1. Өрхийн болон фермерийн аж ахуй, жижиг хоршооны жимс, ногооны талбайг мал, гаднын халдлагаас хамгаалах зорилгоор төрөл бүрийн хийц загварын удаан эдлэгээтэй хямд төсөр хашааны зураг, загварын төсөл шалгаруулан нийтээр үйлдвэрлэх, борлуулахад дэмжлэг үзүүлэх;

6.4.2. Төмс, хүнсний ногоо, жимс, жимсгэний тариалангийн хөнөөлт шавьж, өвчин, хог ургамалтай тэмцэх зориулалттай, сонгомол үйлчилгээтэй, хүн, амьтан, байгаль орчинд хор хөнөөлгүй, хөрс, ургамалд үлдэцгүй өндөр технологиор үйлдвэрлэсэн бодисыг импортлох, дотооддоо үйлдвэрлэх, савлахад дэмжлэг үзүүлэх;

6.4.3. Лооль, чинжүү, тамхины болон бусад ургамлын навч, иш зэргийг хандалж уусмал бэлтгэн хөнөөлт шавьж, ургамлын өвчинтэй тэмцэх экологид хор хөнөөлгүй арга ажиллагаанд хүмүүсийг сургах, хэрэглэх чадвартай болгох;

6.4.4. Хүнсний ногооны талбайн хог ургамалтай тэмцэхэд сонгомол үйлчилгээтэй, хөрс, ургамалд үлдэц багатай, хямд, бага хэмжээгээр савласан гербицидийг импортлох, худалдах;

6.4.5. Бууц, аргал, хомоол, үртэс, сангас зэрэг органик бодисыг бордоо болгон ашиглах арга ажиллагаанд ногоочдыг сургах, дадлагажуулах;

6.4.6. Дотоодод үйлдвэрлэн ашиглаж байгаа төрөл бүрийн биобордоо, багсармал болон гумин, циолитийн бордооны үйлдвэрлэл, хэрэглээг нэмэгдүүлэх.

6.5. Үр, суулгацын хангамжийг сайжруулна:

6.5.1. Иргэд, өрхийн тариалан эрхлэгчдийг хэрэгцээт төмс, ногооны үр, жимсний суулгац, тарьцыг өөрөө үйлдвэрлэж сургахад хөтөлбөрийн үйл ажиллагааг чиглүүлэх;

6.5.2. Гэрийн нөхцөлд үйлдвэрлэхэд түвэгтэй эрүүл төмсний үр, зарим хүнсний ногоо болон чавга, алимын суулгацыг эрдэм шинжилгээний болон их, дээд сургууль, мэргэшсэн иргэд, аж ахуйн нэгжид захиалгаар үйлдвэрлүүлэн нийтэд борлуулах арга хэмжээг зохион байгуулах;

6.5.3. Ядуу, эмзэг бүлгийн өрхийн тариаланг дэмжих зорилгоор төмс, хүнсний ногооны үр, үрслэг, жимсний суулгац, тарьцыг хөнгөлөлттэй үнэ болон зээлээр нийлүүлэх замаар иргэдийг амьдралаа тэтгэх анхны гараанд нь дэмжлэг үзүүлэх;

6.5.4. Хүлэмжийн зориулалттай одой хэлбэрийн алим, лийр, чавга зэрэг таримлын суулгацыг импортоор оруулах, төв, орон нутаг дахь зарим агропаркад жимсний эх цэцэрлэг байгуулах, суулгац, тарьц үржүүлэх;

6.5.5. Бутлаг хэлбэрийн алим, чавга, интоор, бөөрөлзгөнө, гүзээлзгэний суулгацыг сонгон үржүүлэх, суулгац үйлдвэрлэх санаачилгыг дэмжин туслах, ялангуяа гүзээлзгэний том жимстэй сортын суулгацыг импортлоход дэмжлэг үзүүлэх.

6.6. Сургалт, сурталчилгаа:

6.6.1. Нийслэл, томоохон хот, аймаг, сумын төвд байгуулагдсан сургалтын төв-агропаркуудын материаллаг баазыг бэхжүүлж, тэдгээрийг төмс, хүнсний ногоо, жимс, жимсгэнэ ургуулах, бүтээгдэхүүн боловсруулах, хадгалах, төрөл бүрийн өргөн хэрэглээний бус ногоог хүнсэнд

хэрэглэж сурах үзүүлэх сургуулийн талбар болгон ашиглах;

6.6.2. Төмс, хүнсний ногоо, жимсгэнэ тариалах, арчлах, ургацыг хадгалах, боловсруулах арга ажиллагааг телевиз, радиогоор цуврал хичээлийн хэлбэрээр тогтмол нэвтрүүлж, уг сургалтын сэдвийг сонирхогчдын захиалгаар сонгон явуулж байх;

6.6.3. Төв, орон нутгийн тогтмол хэвлэлд тусгай булан нээх, зориулалтын дугаар бэлтгэн нийтлэх;

6.6.4. Хамгаалагдсан хөрсний жимс, ногооны аж ахуйн асуудлаар сонирхогч иргэдийн дунд сургалт зохион байгуулах;

6.6.5. Хамгаалагдсан хөрсний аж ахуй болон өрх айл, иргэдийг харилцан туршлага судлуулах, хөтөлбөрийн хэрэгжилтийн байдалтай танилцах зорилгоор аймаг, орон нутагт үзүүлэх сургууль зохион байгуулах;

6.6.6. Төмс, хүнсний ногоо, жимс, жимсгэний борлуулалтыг дэмжих, сурталчлах зорилгоор "Алтан намар" үзэсгэлэн- худалдааг сум, аймгийн төв, нийслэл, дүүрэг бүрт зохион байгуулах;

6.6.7. Хамгаалагдсан хөрсний аж ахуйг хамгийн сайн хөгжүүлж буй өрхийн арга туршлагыг сурталчлах;

6.6.8. Хөтөлбөрийг хэрэгжүүлэх хугацаанд өрхийн жимс, ногооны аж ахуй, ялангуяа хамгаалагдсан хөрсний аж ахуйг үлгэр жишээ болохуйц хөгжүүлсэн өрх, иргэдийн арга ажиллагаа, туршлагыг нэгтгэж эмхтгэл болгон гаргаж нийтийн хүртээл болгох.

7. Хөтөлбөрийг хэрэгжүүлэхэд Засгийн газар, төв, орон нутгийн захиргааны байгууллагын оролцоо:

7.1. Засгийн газар

7.1.1. Хөтөлбөр хэрэгжүүлэхэд дэмжлэг үзүүлэх хөрөнгийг жил бүрийн улсын төсөвт тусган хэрэгжилтэд нь хяналт тавьж байх;

7.1.2. "Ногоон хувьсгал" хөтөлбөрийг дэмжих асуудлыг хөдөө аж ахуйн салбарт хэрэгжиж байгаа гадаадын төсөл, хөтөлбөр, зээл, тусламжид тусган хэрэгжүүлж байх үүргийг холбогдох яам,

газар, агентлагийн гадаад хамтын ажиллагааны нэг чиглэл болгон хэрэгжүүлэх;

7.1.3. Дотооддоо үйлдвэрлэдэггүй бага хүчин чадалтай /20 хүртэл морины хүчин чадалтай/ трактор, түүнд тохирох чиргүүл, дүүжин машин, усалгааны төхөөрөмж, нийлэг хальсан бүрхүүл, ургамал хамгааллын бодисыг импортын гаалийн татвараас хөнгөлөх, чөлөөлөх, тэдгээрийг дотооддоо үйлдвэрлэгчдийг эхний 3 жилд орлогын албан татвараас хөнгөлөх эрх зүйн орчинг бүрдүүлэх;

7.1.4. Дотооддоо үйлдвэрлэж байгаа төмс, хүнсний ногооны импортын гаалийн татварыг зах зээлийн эрэлтэд нийцүүлэн уян хатан зохицуулж дотоодын үйлдвэрлэгчдээ дэмжих;

7.1.5. Хөтөлбөрийн хэрэгжилтийг зохион байгуулах, үр дүнг тооцох, тайлагнах үүрэг бүхий Үндэсний зөвлөлийн одоогийн бүтцийг хэвээр үлдээн үйл ажиллагаанд нь хяналт тавьж байх.

7.2. Хүнс, хөдөө аж ахуйн яам

7.2.1. Хөтөлбөрийн хэрэгжилтийг зохион байгуулж, үр дүнг Үндэсний зөвлөлд тайлагнах;

7.2.2. Хөтөлбөрийг дэмжих зорилгоор улсын төсөв, бусад эх үүсвэр (Хавсралт)-ээс хуваарилсан хөрөнгийг зориулалтын дагуу зарцуулж дүнг Засгийн газар, холбогдох яам, газруудад тайлагнах;

7.2.3. Төв болон орон нутаг дахь агропаркийн үйл ажиллагаанд хяналт тавьж уялдуулах, тэдгээрийн материаллаг баазыг бэхжүүлж, сургалт, үйлчилгээг эрхлэн явуулахад мэргэжлийн удирдлага, зохицуулалтаар хангах;

7.2.4. Агропаркийн үйл ажиллагааг аймаг орон нутаг дахь хөдөө аж ахуйн үйлдвэрлэлд шинжлэх ухааны ололтыг нэвтрүүлэх төвүүдийн үйл ажиллагаатай уялдуулан үр ашигтай зохион байгуулах;

7.2.5. Хөтөлбөрийг хэрэгжүүлэхэд гадаадын зээл, тусламж, төслийг үр ашигтай ашиглах ажлыг зохион байгуулах;

7.2.6. Хөтөлбөрийн хэрэгжилтийн талаар байгууллага, аж ахуйн нэгж, иргэдийн санал хүсэлтийг хүлээн авч түүний мөрөөр ажил зохион

байгуулах, шаардлагатай асуудлыг Үндэсний зөвлөлийн хурлаар хэлэлцүүлж байх.

7.3. Аймаг, нийслэл, сум, дүүргийн Засаг дарга нар

7.3.1. Холбогдох хууль тогтоомжид нийцүүлэн иргэнд гэр бүлийн хэрэгцээнд нь газар өмчлүүлэх, жижиг аж ахуйн нэгж, фермерүүдэд газар эзэмшүүлэх ажлыг зохион байгуулах;

7.3.2. Орон нутгийнхаа онцлогт нийцсэн аймаг, сумын хэмжээний дэд хөтөлбөр боловсруулан хэрэгжүүлэх;

7.3.3. "Ногоон хувьсгал" хөтөлбөрийн орон нутгийн салбар зөвлөлийг байгуулж, үйл ажиллагааг зохицуулах;

7.3.4. Орон нутаг дахь агропаркуудын үйл ажиллагаа болон эд хөрөнгийн ашиглалт, хамгаалалтад хяналт тавих;

7.3.5. Хөтөлбөрийн үйл ажиллагаа, үр дүнгийн тайланг орон нутгийн хэмжээгээр хагас, бүтэн жилээр гарган Үндэсний зөвлөлд ирүүлж байх;

7.3.6. Агропаркуудыг аж ахуйн дотоод тооцоон дээр ажиллуулах зарчим баримтлан дэмжлэг үзүүлэх;

7.3.7. Дэд хөтөлбөрийг хэрэгжүүлэхэд шаардагдах хөрөнгийг орон нутгийн төсөвт тусгаж хэрэгжүүлж, зарцуулалтад нь хяналт тавих;

7.3.8. Нутаг дэвсгэрийнхээ эрдэм шинжилгээ, сургалт, судалгаа, бизнесийн болон төрийн бус байгууллагуудыг "Ногоон хувьсгал" хөдөлгөөнд хамруулах;

7.3.9. Хөтөлбөрийн хэрэгжилтийн явц болон дараа жилд хэрэгжүүлэх ажлын талаар саналаа боловсруулан хөдөө аж ахуйн асуудал эрхэлсэн төрийн захиргааны төв байгууллагад жил бүрийн 1 дүгээр сарын 10-ны дотор ирүүлж байх.

8. Хөтөлбөрийн удирдлага зохион байгуулалт, ажил үүргийн хуваарь

8.1. "Ногоон хувьсгал" хөтөлбөрийн үндэсний зөвлөл:

8.1.1. "Ногоон хувьсгал" хөтөлбөрийн аймаг, нийслэлийн салбар зөвлөлийг удирдлагаар хангаж, хөтөлбөрийн биелэлтийг хянах;

8.1.2. Яамд болон дотоод, гадаадын холбогдох байгууллагатай хамтран орон нутагт олгох төсвийн болон бусад хөрөнгийн эх үүсвэрийг хуваарилах;

8.1.3. Хөтөлбөрийн хэрэгжилтийн явц, үр дүнг жил бүр Засгийн газарт тайлагнаж байх.

8.2. Аймаг, нийслэлийн салбар зөвлөл:

8.2.1. Өрхийн аж ахуй эрхлэх боломж, чиглэл, жижиг зээл олгох нөхцөл байдлыг тодруулах судалгаа явуулах;

8.2.2. Орон нутгийн онцлог бүхий "Ногоон хувьсгал" II шатны дэд хөтөлбөрийг хэрэгжүүлэх;

8.2.3. Иргэд, хоршоо, фермер, жижиг аж ахуйн нэгжүүдийг "Ногоон хувьсгал" хөдөлгөөнд идэвхтэй оролцуулах;

8.2.4. Айл өрх, иргэдэд бичил зээл олгох, авсан зээлийг зориулалтын дагуу ашиглахад хяналт тавих, зээлийг хугацаанд нь эргүүлж төлөх, зээл төлөлтийн оновчтой механизмыг бүрдүүлэх;

8.2.5. Агропаркийн эрхлэгч, ногоочдын чуулга уулзалт, үзүүлэх сургууль, ургацын баяр зохион байгуулах.

8.3. Орон нутгийн агропарк:

8.3.1. Монгол орны нөхцөлд ургац өгч чадах хүнсний ургамлыг тариалж сурталчлах;

8.3.2. Өрхийн аж ахуйд шаардагдах багаж хэрэгсэл, эд материалыг нэгдсэн захиалгаар үйлдүүлэх;

8.3.3. Хоршоо, фермер, жижиг аж ахуйн нэгжүүдэд мэргэжлийн зөвлөлгөө өгөх, сургалт явуулах;

8.3.4. Газар тариалангийн техник, тоног төхөөрөмжийг төлбөртэйгээр ашиглуулах, лизингийн гэрээ, зээлээр борлуулах үйлчилгээг зохион байгуулж, түүнд дэмжлэг үзүүлэх.

8.3.5. Агропарк нь дараахь чиглэлээр өрхийн аж ахуйд дэмжлэг үзүүлнэ:

8.3.5.1. Төмс, хүнсний ногоо, жимс, жимсгэнэ тарьж ургуулах, арчлах, хураах;

8.3.5.3. Орон нутгийн материалаар хүлэмж барих;

8.3.5.2. Ногоог даршлах, хадгалах сургалт явуулах;

8.3.5.4. Гэрийн нөхцөлд зоорь барих;

8.3.5.5. Цас, борооны ус хуримтлуулах сан байгуулах.

9. Хөтөлбөрийн хэрэгжилтийг дүгнэх шалгуур үзүүлэлт

Үе шат	Хугацаа	Хүлээгдэж буй зорилтын шалгуур үзүүлэлт
I	2005-2008	<ul style="list-style-type: none"> Төмс, хүнсний ногоо, жимс, жимсгэнэ тариалдаг өрх, иргэдийн тоо одоогийнхоос 30-аас доошгүй хувиар, хураан авсан ургац 25-аас доошгүй хувиар нэмэгдсэн байна. Өрхийн тариалангийн 70-аас доошгүй хувийг усалгаатай болгоно. Хүнсний ногооны ургацын 15 хувийг хамгаалагдсан хөрснөөс авдаг болж, төмс, хүнсний ногооны нэг га-гийн ургацыг 25 хувиар нэмэгдүүлнэ. 25-30 мянган ажлын шинэ байр бий болж хөтөлбөрт хамрагдсан өрхийн орлого 25-30 хувиар нэмэгдэнэ.
II	2008-2012	<ul style="list-style-type: none"> Өрх, жижиг аж ахуйн нэгж, фермерийн төмс, хүнсний ногоо, жимс, жимсгэний талбай усалгаатай болж, хураан авсан хүнсний ногооны ургацын 30 хувийг хамгаалагдсан хөрснөөс авна. Нэгж талбайгаас хураан авах хүнсний ногооны ургацыг 2004 оныхоос 40 хувиар нэмэгдүүлж, төмсний хэрэгцээг 100 хувь, хүнсний ногооны хэрэгцээг 70 хувь дотоодын үйлдвэрлэлээр хангана. Хот суурин газрын тариалангийн талбайн хэмжээ 2004 оныхоос 30 хувь, хураан авч буй ургац 50 хувь нэмэгдэж ажлын байрны тоо 2006 оныхоос 15 хувь, өрхийн орлого 40 хувиар нэмэгдэх нөхцөл бүрдэнэ. Хамгаалагдсан хөрсний ногооны аж ахуй нийт үйлдвэрлэлийн талбайн 60 хувьд хүрч дотоодын хэрэгцээгээ бүрэн хангаж экспортлож эхэлнэ. 2004 оныхоос төмс, хүнсний ногоо тариалдаг өрхийн орлого 50 хувь, ажлын байр 50-60 мянгаар нэмэгдэнэ.

"Ногоон хувьсгал" үндэсний хөтөлбөр
// II үе шат 2005-2012 он-ийн хавсралт

"НОГООН ХУВЬСГАЛ" ХӨТӨЛБӨРИЙГ ДЭМЖИХ САНХҮҮГИЙН ЭХ ҮҮСВЭР

Зардлын ялгаа	2005-2008 он			2009-2012 он					
	Жил бүр авах тоо хэмжээ	Жил бүрийн санхүүжилт, сая төг		Жил бүр авах тоо хэмжээ	Жил бүрийн санхүүжилт, сая төг				
		Улсын төсөв	Орон нутгийн төсөв		Гадаадын төсөл, хөтөлбөр	Тариаланг дэмжих сан	Улсын төсөв	Орон нутгийн төсөв	Гадаадын төсөл, хөтөлбөр
Бага хүчин чадлын трактор	40	96	-	-	-	60	120	5	14
5 хүртэл п-гийн хүчин чадалтай энгийн услаганы систем барих, засах	-	50	-	20	50	-	80	20	50
Хүлэмжийн металл хийц импортлох, дотооддоо захиалж хийлгэх	50	40	-	20	20	70	40	20	52
Бага хүчин чадлын бороожуулагч	40	34	-	-	-	70	29	10	20
Нийлэг хальс, тонин	20	20	-	-	-	40	10	20	10
Ургамал хамгааллын бордс	10	30	-	-	-	20	30	15	15
Сургалт, сурталчилгаа	-	10,0	1,0	5,0	-	-	5	4	10
Ур, суулгац	-	15	2,0	2,5	3,0	-	5	5	10
Төмс, ногоо, жимсийг гэрийн болон жижиг цехийн нөхцөлд боловсруулах тоног төхөөрөмж авах	-	60	-	10	30	-	40	10	40
Жил тугам гарах зардал	-	355	3,0	57,5	103,0	-	359	9	226
4 жилийн нийт зардал / х/	-	1420	12	230	412	-	1436	36	904

ХӨТӨЛБӨРИЙН II ШАТНЫ НИЙТ ЗАРДАЛ: 4910 САЯ ТӨГРӨГ БОЛНО

Үүнээс : улсын төсвөөс 2856 сая

орон нутгийн төсвөөс 48 сая
гадаадын зээл, тусламж, төсөл 690 сая
Газар тариаланг дэмжих сангаас 1316 сая төгрөг болно.



МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 177

Улаанбаатар хот

Хэлэлцээр батлах тухай

Олон улсын гэрээний тухай хуулийн 14 дүгээр зүйлийн 3 дахь хэсэгт заасныг үндэслэн Монгол Улсын Засгийн газраас ТОГТООХ нь:

Засгийн газар хоорондын Хэлэлцээрийг баталсугай.

2004 оны 7 дугаар сарын 5-ны өдөр Бээжин хотноо гарын үсэг зурсан Монгол, Хятадын хилийн боомт, тэдгээрийн дэглэмийн тухай Монгол Улсын Засгийн газар, Бүгд Найрамдах Хятад Ард Улсын

МОНГОЛ УЛСЫН
ЕРӨНХИЙ САЙД

Н.ЭНХБАЯР

ХУУЛЬ ЗҮЙ, ДОТООД ХЭРГИЙН
САЙД БӨГӨӨД ГАДААД ХЭРГИЙН
САЙДЫН ҮҮРЭГ
ГҮЙЦЭТГЭГЧ

Ц.НЯМДОРЖ

МОНГОЛ УЛСЫН ЗАСГИЙН ГАЗРЫН ТОГТООЛ

2004 оны 8 дугаар сарын 5-ны өдөр

Дугаар 179

Улаанбаатар хот

Хэлэлцээр батлах тухай

Монгол Улсын Засгийн газраас ТОГТООХ нь:

Засгийн газар хоорондын Хэлэлцээр"-ийг баталсугай.

2004 оны 3 дугаар сарын 1-ний өдөр Бишкек хотноо гарын үсэг зурсан "Гаалийн асуудлаар хамтран ажиллах, харилцан туслалх тухай Монгол Улсын Засгийн газар, Бүгд Найрамдах Киргиз Улсын

МОНГОЛ УЛСЫН
ЕРӨНХИЙ САЙД

Н.ЭНХБАЯР

САНХҮҮ, ЭДИЙН ЗАСГИЙН
САЙД

Ч.УЛААН

Монгол Улсын Их Хурлын Тамгын газраас гаргав.

"Төрийн Мэдээлэл" эмхтгэлийн зөвлөл

Улаанбаатар- 12,
Төрийн ордон

☎ 329612

Индекс 14003

Монгол Улсын Их Хурлын Тамгын газрын

Хэвлэх хэсэгт хэвлэв.

☎ 329487

Хэвлэлийн хуудас 2